

09.03 MARELLA

Blera lavur – dentant memia paucs mastergnants!

Lavur datti, i vegn bajegià e renovà e la lavur na manca betg. Dentant, chattar mastergnantas e mastergnants qualifitgads è in problem. E quel daventa pli e pli acut.



En questa «Marella» avain nus discutà cun blers mainafatschentas ed impressaris ed els tuts conferman che lavur saja d'enturn detg avunda. Sch'els hajan dentant dad ir a la tschertga da persunal qualifitgà, saja quai fitg stentus u magari gnanc pussaivel. Sin inserats na dettia strusch annunzias e schebain che la lavur lubiss dad engrondir ina firma u l'otra, manca il persunal per pudair far quai. Da quest problem è era la politica fitg conscianta. «In problem virulent che nus sentin a mintga inscunter cun represchentants da l'economia», di il cusseglier guvernativ Marcus Caduff. E Maurus Blumenthal, directur da l'Uniun grischuna d'artigianadi e mastergn dovra plets clers: «La mancanza da persunal è IL grond problem economic dal Grischun en l'avegnir.» La «Marella» metta a lieu, e discuta cun tuts involvids davart motivs e soluziuns pussaivlas.

Redacziun: Esther Berther